



**Memoria económica e de transparencia do Convenio entre a Axencia Galega de Desenvolvemento Rural e o concello de Curtis para a concesión dunha subvención directa ao proxecto senlleiro de "Exposición fotográfica Vai de Vacas" dentro da categoría de Promoción e posta en valor da vida social, cultural e educativa da comarca.**

**Expediente:** CNV26-20

### **PRIMEIRO.- Antecedentes e obxectivos**

Axencia Galega de Desenvolvemento Rural (en adiante, Axencia) creouse pola disposición adicional sexta da Lei 5/2000, do 28 de decembro, de medidas fiscais e de réxime orzamentario e administrativo (*DOG* núm. 251, do 29 de decembro).

A dita lei de creación está modificada, entre outras, pola Lei 11/2021, do 14 de maio, de recuperación da terra agraria de Galicia (*DOG* núm. 94, do 21 de maio), en cuxo artigo 6 configúrase a Axencia Galega de Desenvolvemento Rural como unha axencia pública autonómica, de conformidade coa Lei 16/2010, do 17 de decembro, de organización e funcionamento da Administración xeral e do sector público autonómico de Galicia, coa consideración de medio propio e servizo técnico da Comunidade Autónoma de Galicia, que actúa como instrumento básico na promoción e coordinación do desenvolvemento do territorio rural galego, co obxectivo de mellorar as condicións de vida dos seus habitantes e de evitar o seu despoboamento a través, entre outras, das medidas de recuperación da terra agroforestal de Galicia reguladas na citada Lei 11/2021.

A Axencia está adscrita á Consellería do Medio Rural, ten personalidade xurídica e patrimonio propios, goza de autonomía administrativa e económica e posúe plena capacidade de obrar, tanto no campo do dereito público como no do dereito privado, para o cumprimento dos seus fins e con suxeición á normativa correspondente.

A Axencia quere promover e poñer en valor no ámbito rural galego o patrimonio histórico, a recuperación da terra agraria, a vida social, cultural e educativa, a contorna natural e os produtos agroalimentarios, xa que as actuacións sobre os ditos ámbitos contribúen a mellorar a calidade de vida e a cohesionar a vida social





e a estimular o arraigamento da poboación no medio rural, de xeito que fagan deste un lugar máis atractivo, ao ser as ditas actuacións interesantes dende o punto de vista do fortalecemento do orgullo rural, da diversificación económica, da potenciación do interese polo territorio e, polo tanto, do desenvolvemento xeral do territorio.

De conformidade co disposto nesta normativa, compete a Axencia, entre outras funcións:

- Elaborar estratexias e plans integrados de valorización do medio rural, que coordinen actuacións de diversa natureza e contén coa participación dos axentes socioeconómicos públicos e privados.
- Artellar proxectos de desenvolvemento rural con carácter piloto e innovador, dirixidos ao reforzamento da base produtiva das áreas rurais, á valorización dos seus recursos e á mellora da calidade de vida dos seus habitantes.
- Promover e favorecer a cooperación entre os axentes públicos e privados cuxas actuacións incidan directa ou indirectamente no desenvolvemento das zonas rurais
- Contribuír ao reforzamento del tecido social e á mellora da capacidade organizativa das áreas rurais.
- Aplicar outras medidas e actuacións que teñan por obxecto, en particular, a dinamización do tecido produtivo e á fixación de poboación nas áreas rurais.

A Axencia, no marco das súas competencias e accións estratéxicas, ven apoiando mediante axudas directas a través de convenios, baixo a denominación de "proxectos senlleiros", diversas actuacións por concorrer nelas características de especial relevancia para o desenvolvemento rural que as fan merecedoras de apoio económico.

Coa finalidade de prever, con carácter xeral, os requisitos para a concesión deste tipo de axudas, o 20 de abril de 2022 o Consello de Dirección da Axencia aprobou o Acordo polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros (<https://agader.xunta.gal/gl/axencia/transparencia-e-goberno-aberto/relevancia-xuridica/consello-de-direccion-de-agader>), modificado por acordo do 7 de novembro de 2022 do Consello de Dirección da Axencia polo que se modifica a regra 4ª "Entidades beneficiarias dos proxectos senlleiros" onde se engade como entidade beneficiaria dos proxectos senlleiros as Comunidades de montes veciñais en man común (punto 4.2 do Acordo) (<https://agader.xunta.gal/gl/axencia/transparencia-e-goberno-aberto/relevancia-xuridica/consello-de-direccion-de-agader>). A regras deste Acordo conceptúan como proxectos senlleiros as actuacións sobre elementos e realidades merecedores dun recoñecemento especial, pola súa capacidade para contribuír á conservación de





dúas finalidades esenciais: Mellorar a calidade de vida da poboación e promover a fixación desta nas áreas rurais.

**SEGUNDO.- Xustificación do interese público e social, singularidade e excepcionalidade e da non concorrencia pública da actuación proposta .**

Nos termos previstos no artigo 19.4 da Lei 9/2007, do 13 de xuño, de subvencións de Galicia, poderán concederse de forma directa, con carácter excepcional, as subvencións nas que se acrediten razóns de interese público, social, económico ou humanitario, ou outras debidamente xustificadas que dificulten a súa convocatoria.

A Axencia e o concellos son conscientes da necesidade de favorecer a contorna rural, a preservación do patrimonio que alberga e a promoción do seu potencial turístico e económico, de xeito que se mellore tanto a calidade de vida da poboación, mediante unha adecuación da oferta no ámbito do ocio, o deporte, a cultura, e/ou sectores produtivos e se preste unha completa gama de servizos básicos que melloren as condicións de socialización e interrelación das parroquias rurais de Galicia dende a premisa principal de garantir a existencia das infraestruturas básicas para elo e mellorar a estrutura do territorio para fixar a poboación do rural galego.

- Interese público e social: O 22 de maio de 2026 o concello de Curtis presentou unha solicitude de convenio a esta Axencia para financiar un proxecto senlleiro dentro da categoría de "Promoción e posta en valor da vida social, cultural e educativa da comarca".

Xunto coa solicitude achegou un proxecto que consiste na produción, deseño e organización da exposición fotográfica titulada "Vai de Vacas", realizada polo fotógrafo experto no sector primario José Luís Míguez Vázquez. A actuación engloba a edición e impresión en alta definición así como a montaxe de 73 fotografías en distintos tamaños sobre soportes de cartón pluma de 10 mm, así como o desenvolvemento da correspondente campaña de promoción, guías e publicidade, coa finalidade de que sexan expostas no concello de Curtis e en diferentes concellos de Galicia.

En conxunto, este proxecto contribúe e pon o foco no gando vacún, nas persoas que habitan o rural galego, os seus costumes e a paisaxe. O proxecto contribúe de maneira directa a por en valor unha maneira de vida tradicional que pode vivir no presente, e axuda a manter vivo un patrimonio inmaterial que nos tempos actuais tende a perderse.

As razas autóctonas de vacún son signo de identidade cultural do país, inspiradoras na literatura e nas artes en xeral, de singular importancia como medio de subsistencia e elemento esencial na economía de Galicia, fundamentais para garantir e conservar a flora e da fauna e, xa que logo, a paisaxe rural, e ligada a





oficios e apeiros tradicionais, camiños gandeiros, á gastronomía galega, e a arquitectura rural (como os alpendres e hórreos).

- Singularidade e excepcionalidade: a singularidade do proxecto é que incide directamente no patrimonio inmaterial do concello e da súa contorna para recuperalo, conservalo e divulgalo. Co fin de conservar este patrimonio inmaterial é fundamental impulsar accións tales como o rexistro visual de saberes, oficios e tradicións que definen unha maneira de vida tradicional que tende a desaparecer. O conxunto das 73 fotografías que conforman esta exposición contribúen de maneira indiscutible a esta salvagarda.

Así mesmo, de acordo co artigo 26 da Lei 9/2007, do 13 de xuño, de subvencións de Galicia, non é posible promover a concorrência pública para a realización desta actuación, dada a necesidade de atender áreas específicas como a promoción e posta en valor da vida social dun espazo cuxo valor principal é de mellorar as condicións de vida dos habitantes da parroquia principalmente, así como do resto do municipio e evitar o seu despoboamento.

A actuación que se define no presente proxecto presenta unha forte vinculación cos valores patrimoniais inmateriais do concello de Curtis e do conxunto do rural galego cumprindo cos obxectivos de recuperación, conservación, protección e divulgación.

Así pois, entre os obxectivos que se pretenden lograr con este proxecto poderíanse mencionar a protección e testemuño da memoria inmaterial, a preservación dos costumes e da pegada etnográfica e a divulgación da memoria máis apegada as tradicións que tende a perderse.

Ademais debido ao carácter puntual ou ocasional deste tipo de apoio e á vista das características concretas das actuacións previstas, non parece adecuado articular estas axudas a través dunha convocatoria pública, sendo a subvención directa a través dun convenio a fórmula que máis se adapta á natureza destas axudas.

Polo tanto, a subvención directa decídese en base a criterios obxectivos que foron fixados mediante o Acordo do Consello de Dirección da Axencia Galega de Desenvolvemento Rural do 20 de abril de 2022 polo que se fixan as regras de tramitación das axudas, mediante concesión directa a través de convenio, do Programa de Proxectos Senlleiros en canto as posibles entidades beneficiarias das axudas, os concellos, como ás actividades a subvencionar. En concreto, na regra 3.- Categorias de proxectos senlleiros, sinala que os proxectos financiados a través do programa deberán pertencer a algunha das categorías que se sinalan.

O proxecto que nos propón o concello encádrase na seguinte categoría e características:

***C) Promoción e posta en valor da vida social, cultural e educativa da comarca.***





Os proxectos senlleiros deste tipo deben reunir algunha das seguintes características:

- Realizar a rehabilitación, reconstrución ou recuperación de edificacións, infraestruturas ou espazos públicos singulares, por teren un marcado significado social, cultural ou educativo para a comarca na que se sitúan, co fin de destinalos a un uso público compatible cos seus elementos e características.
- Actuar en relación ao patrimonio inmaterial da comarca para recuperalo, conservalo, protexelo, divulgalo ou desfrutalo.
- Realizar obras de mellora, reforma e reparación de infraestruturas e instalacións, así como o seu equipamento, destinadas a satisfacer as necesidades da veciñanza.

### TERCEIRO.- Financiamento

A Axencia Galega de Desenvolvemento Rural e o Concello de Curtis queren asinar un convenio para a concesión dunha subvención directa para o proxecto referenciado a continuación:

- PROXECTO "Exposición fotográfica Vai de Vacas".
- ORZAMENTO: Catro mil oitocentos vinte e tres euros con dezaioito céntimos (4.823,18 €).
- FINANCIAMENTO:

|                                         |             |                   |
|-----------------------------------------|-------------|-------------------|
| Axencia Galega de Desenvolvemento Rural | 80%         | 3.858,54 €        |
| Concello de Curtis:                     | 20%         | 964,64 €          |
| <b>TOTAL</b>                            | <b>100%</b> | <b>4.823,18 €</b> |

A contribución da Axencia Galega de Desenvolvemento Rural financiarase con cargo á aplicación orzamentaria 2026 15.A1.712A.760.0 (Código proxecto 2017 00003. Actuacións senlleiras de mellora do patrimonio rural).

- Plan Estratéxico de Galicia:

| Integración no Plan Estratéxico de Galicia 2022-2030<br>Proxecto 2017 00003 |      |                                                                                                                                                                                                                                                                 |
|-----------------------------------------------------------------------------|------|-----------------------------------------------------------------------------------------------------------------------------------------------------------------------------------------------------------------------------------------------------------------|
| Eixo                                                                        | E3   | Competitividade e crecemento                                                                                                                                                                                                                                    |
| Prioridade de actuación                                                     | PA05 | Aproveitar as potencialidades de Galicia cara un sector primario moderno e competitivo.                                                                                                                                                                         |
| Obxectivo estratéxico                                                       | E06  | Contribuír o desenvolvemento económico e social en zonas rurais e costeiras. Mellorar as condicións de vida no territorio rural galego, especialmente a través dunha mellora das infraestruturas, mellora no acceso aos servizos básicos e creación de emprego. |





|                     |      |                                                        |
|---------------------|------|--------------------------------------------------------|
| Obxectivo operativo | OI01 | Actuacións de soporte e apoio (gasto de funcionamento) |
|---------------------|------|--------------------------------------------------------|

- Vixencia: O convenio estenderá a súa vixencia desde o día seguinte ao da súa sinatura ata o 15 de outubro de 2026, data máxima para executar e xustificar as actuacións incluídas no proxecto "*Exposición fotográfica Vai de Vacas*".
- Serán elixibles os gastos vinculados á execución deste proxecto causados desde o 1 de xaneiro de 2026.
- Orzamento xeral

| Cantidad        | Concepto                                                                                                                                                                                                                                                                                 | Importe    |
|-----------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------|
| 1               | - Proxecto de exposición (Vai de Vacas) de fotografía feitas por un experto do sector primario e da fotografía donde se visualiza a paisaxe, costumes, gando vacuno, persoas do rurale sobre todo a labor profesional que fai mais grande e velo cada día o noso rural e as suas xentes. | 1.295,00   |
| 73              | - Editar 73 fotos en distintos tamaños, impresas en alta definición sobre cartón pluma de 10 mm.                                                                                                                                                                                         | 1.211,80   |
| 1               | - Campaña de promoción e publicidades en distintos medios escritos e de redes sociais.                                                                                                                                                                                                   | 1.479,30   |
| Importe Líquido |                                                                                                                                                                                                                                                                                          | 3.986,10 € |
| % DPP           |                                                                                                                                                                                                                                                                                          |            |
| Importe DPP     |                                                                                                                                                                                                                                                                                          |            |
| % IVA           |                                                                                                                                                                                                                                                                                          | 21 %       |
| Importe IVA     |                                                                                                                                                                                                                                                                                          | 837,08 €   |
| TOTAL           |                                                                                                                                                                                                                                                                                          | 4.823,18 € |

Nos termos previstos no artigo 26 da Lei 9/2007, do 13 de xuño, de subvencións de Galicia, as subvencións previstas canalizaranse a través de convenios subscritos con concellos, en canto entidades beneficiarias das axudas previstas.

Por todo o exposto, estímase xustificada a utilización do instrumento do convenio para articular as actuacións de referencia, quedando o devandito convenio fora do ámbito de aplicación da Lei 9/2017, do 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, do 26 de febreiro de 2014, con independencia de que, de acordo c previsto no artigo 4 da devandita norma, lle sexan de aplicación os principios desta Lei para resolver as dúbidas e lagoas que puidesen presentarse.

Para tramitar este convenio, tense observado o cumprimento dos requisitos establecidos na Lei 40/2015, do 1 de outubro, de réxime xurídico do sector público.





O órgano competente para o acordo de convenios, por importe inferior a 900.000,00 € que deba concertar a Axencia para o axeitado exercicio das súas funcións, é o Consello de Dirección da Axencia, que ten delegada a dita competencia na persoa titular da Dirección Xeral (apartado Primeiro, II, 7 do acordo do Consello de Dirección da axencia do 11 de xullo de 2013, publicado mediante a Resolución do 24 de xullo de 2013 -DOG nº 148, do 5.8.2013-).

Santiago de Compostela, na data da sinatura electrónica.

O subdirector de Planificación e Dinamización do Medio Rural  
Bruno Fernández González.

A directora xeral da Axencia Galega de  
Desenvolvemento Rural  
M<sup>a</sup> Paz Rodríguez Rivera

